

ex hoc quæta fuerit abstinentia dignosci potest. Quæ dum infirma jaceret in lectulo, et a multis honestioribus viris ac mulieribus, visitationis gratia ad ipsam venientibus, ut aliquantulum cibi, quo infirmum corpus sustentaretur, caperet, rogaretur, illa desueta deliciis : Si aliquid, inquit, mihi de infusionis leguminibus attuleritis, forsitan aliquantulum inde potero degustare. O abstinentia in feruina praedicanda, quæ, in infirmitate posita, infusionis leguminibus pro summis etiam deliciis utebatur ! Quæ cum fuisse defuncta, et in ecclesia sepulta, quadam die rusticus quidam frumento onustus per eamdem ecclesiam transiens, supra sepulcrum ejus, parvipendens cuius meriti esset quæ ibi sepulta jacebat, saccum cum frumento depositus, et fessus, ut aliquantulum pausaret, juxta consedit. Repente igitur saccus divinitus de eodem sepulcro sublatus longeque projectus, omne illud, quo plenus erat, frumentum passim per eamdem ecclesiam sparsit. Rusticus ergo vehementer conteritus, ab illa die didicit quantum Dei homines in corpore venerandi sint ; cum existincta illorum corpora ac in sepulcro posita, ne ab aliquibus parvipendantur divina sibi virtus voluit demonstrare.

Alter quidam nobilis vir de eadem Beneventana urbe nescio qua causa monasterium adventarat, ac nescius, forte ejus supra sepulcrum contederat : cum subito tantus dolor viscerum enim invasit, ut, vociferans atque ejulans, se eadem hora moriturum putaret. Ad eujus vocem quæ in monasterio erant virginis protinus cucurserunt, eique enjus esset sepulcrum supra quod sederat indicaverunt. Qui, pro ignorantia venia postulata, meritis Dei famulæ coeli-
tus meruit medicinam.

In eadem urbe monasterium est quod Sanctæ Sophiæ dicitur (89), huic Casinensi monasterio subditum, in quo quidam a pueritia sanctæ conversationis et magnæ humilitatis monachus fuit, qui

(89) De monasterio Sanctæ Sophiæ, vide Leonem Ostien. lib. 1, cap. 9, et Chronol. archiep. Benevent. Marii de Vipera.

A infra annos adolescentia nimio languore præventus ad extrema perdactus est. Ad cujus exitum congregati fratres, hymnis et psalmis Deo cooperunt ejus animam commendare, sanctorumque cœlus in ejus auxilium attentius invocare : qui crescente languore defunctus est. Sed dum ad lavandum ejus corpus aqua præparatur, per unam fere horam exanimis jacuit. Cumque qui aderant orationi et psalmodia insisterent, subito corpus ejus omne contremuit, ac paulatim reviviscens cunctis mirantibus in lectulo consedit. Dein, interrogatus, coepit illis quæ egressus de corpore viderat referre, dicens : Cum anima mea, vobis litanias canentibus sanctosque Domini invocantibus, de corpore egredieretur, mox ad preces vestras sancti, quos invocasti, meum in auxilium advenerunt. Cumque illi ab eo requirerent si illos, quos nunquam viderat, cognoscere potuisset ? Respondit : Sanctum Benedictum et sanctum Gregorium cognovi, B. Donatum et Felicem, cum reliquis qui in hac ecclesia requiescant sanctis, meum in auxilium venire conspexi. Inter quos beatus Mercurius patronus noster velut splendidum sidus rutilans videbatur. Quem cum interrogassent utrum in hac vita esset moraturus ? Minime, inquit : nam B. Mercurius hodie se ad me assumendum venire spondit. Quæ ut dixerat vera fuisse rei exitus comprobavit. Eodem namque die ex hac luce subtractus, ab illis procul dubio est receptus, quos antea moriebus suum in auxilium venire conspexit. Ego deinde in eodem monasterio positus, unum ex illis qui adficerant testibus, Sicenolfum nomine, superstitem vidi, qui cuncta haec ut dicta sunt se vidisse et audivisse profitebatur.

(Hujus libri tertii finis, totusque quartus in ms. cutoigrapho Vaticano bibliothecæ signato numero 4203, qui, Langobardorum litteris descriptus, Casensis cœnobiī Patribus quondam usui fuisse cognoscitur, desiderantur.)

EPITAPHIUM ABBATIS APOLLINARIS

AUCTORE DESIDERIO ABBATE POSTMODUM VICTORE III.

(Don Tosti, *Storia della badia Casin. I, 12.*)

Appollinaris abba pater hic tumulatur.
Aliquid aliud scitur de eo dicatur M.....
Tu juvenis mundum fugisti, non bone mundum
Totus apostolicum cuncolorum verus amicus;
Fis abbas redolens toto conamine nolens.
Esse studes minimus, humilis, pius, alius et justus.
Siccis tu plantis Licin de munere Patris
Transisti, Petrum, Placidum quoque sic imitatus.
Tu trahis tumidum convertis siisque beatus.

D Pestis Agarena dum singula vastat aineena.
Deo jam defunctus carne legatus et akus.
Mitteris ex alto nuntius filii sue gentis,
Dicens : Casino monti Deus est miseratus
Servi non sicuti precibus patris Benedicti.
Hic quartus denus abbas hic mente serenus
Annis undenis vixisti, non sine pœnis.
Te Desiderius transfert, locat hic reverendus :
Provictus nobis sis, o reverende colende.